



咸豐辛酉鑄

醫西原

留耕書屋藏板

余曩時專嗜言醫曾撰醫學  
金鍼數種迨撫贛浚公餘之  
暇偶閱石子所著醫原一書  
探原立論濟人濟世誠善本  
也識者珍之

古吳潘霽題署

序

道之大原出於天。凡道之所分寄亦必探原於天。醫其  
一端也。蓋天之道不外陰陽五行。稟陰陽五行之精氣  
而人生焉。感陰陽五行之戾氣而人病焉。然非見道之  
儒者又孰從而探之。吾友石子芾南。淮北名孝廉也。才  
識既高。學術並茂。其於五子之書。百家之論。莫不探微  
抉奧。體用兼賅。而又以其餘力。考岐黃闡內難。陰陽有  
辨。五行有分。耳目口鼻之司。肌膚筋骸之會。動靜燥濕  
之宜。凡和緩之所未發。倉扁之所難言。莫不因人見天。

葆其天之所本有。治其天之所本無。以人治人。實以天還天而已。吾與石子交最久。叩其學甚深。他日嘗憫醫家之不通儒術。率皆昧於其原。而僅逐其末也。著醫原二十篇。因病之原。探醫之原。並探其原中之原。披閱之下。益信石子之學爲有原也。乃或者曰。醫小道也。儒者亦爲之耶。夫就醫論醫。其小之也固宜。若醫而探原於天。則因醫見道。苟非學貫天人。又安能悟天人合一之旨。則卽小以觀大可也。雖然是書之成。在醫家必奉爲圭臬。在作者特出其緒餘焉耳。一旦居宰衡之任。司燮

理之權必能究致治清濁之原而壽人壽世良相良醫  
不難以一人收其全功而天下亦共知儒術之大陰陽  
五行之蘊天人一原之理無乎不在也斯篇其石子之  
嚆矢也夫是爲序

咸豐十一年歲次辛酉孟夏月同里愚弟張星亘子綿  
頓首拜撰

白序

余家事醫學。歷七世於茲矣。憶自入塾受書時。略明句讀。先君子卽授以醫家言。命與四子書並讀。嘗謂業醫而不讀書。有終身由之而不知其道者。且爲人子而不知醫。亦非孝也。爰爲

壽棠

立程課朝而儒。夕而醫。歷

數十寒暑。如一日。雖習舉子業。未嘗或忘。家慈又體

質素弱。醫藥不離。每侍疾時。與醫家參以診劑。輒頗得效。自是尤三致意焉。年來公車栗六。迄無暇時。復以南  
北烽烟。逼近鄉里。邑侯延余倡辦團練。每於夜巡稍暇。

人靜更闌重述 先子之緒言因彙前賢之全說凡四  
閱月得醫原二十篇非敢以言壽世也但求無負 先  
人之意且敬承世業云爾嗚呼 父書幼讀愧守箕裘  
庭訓未忘感深風木此則有益增余慟者矣

咸豐十一年歲次辛酉仲春月上浣安東石壽棠芾南  
書於留耕書屋

敘

萬物之生負陰而抱陽。沖氣以爲和。故上古之人其知道者。法於陰陽。和於術數。陰陽者。術數之本。術數者。陰陽之著。而非知道。不能醫。可易言乎哉。醫之道。譬若宮牆。辨虛實。審寒熱。其門徑也。門徑苟差。何由升堂入室乎。世人涉獵方書。講求形證。自以爲能。是猶寢饋於門戶之間。不復知有堂室矣。而或者高語內難。虛言脈要。則又如天際之翔。出於豐屋之上。奧窔之間。畢生莫睹。二者雖異。其弊則均。蓋人之生也有原則。其所以病亦

有原明乎其原而後鍼石之投湯液醪醴之設非臆度而懸揣而因得收效於一時不然毫釐千里之差生死呼吸之所繫醫顧可易言乎哉石子芾南余初識之於京邸恂恂若無能者嗣聞其善醫視其方亦似與人無殊特者而應手輒效叩之以其故則曰世人習用之方大率類此而輕重之準剛柔之質先後之宜非識者難言之矣客冬以團練之役訪之於漣城就詢時務雖一鄉一邑之設施而洞見癥結因地制宜亦如隨證立方焉洵醫國之妙手而非無本之談也因求其所著醫原

讀之本末貫串文字昭晰可以一見瞭如而欲窮其義  
蘊輒有望洋之嗟信乎能達其原而岐伯之奧旨仲景  
之祕思中法西法之妙用一以貫之矣夫欲上太行必  
恃車馬欲導積石必恃舟航世之掇拾類書強記藥性  
衣食於醫者或無取乎是書若立志活人而欲進於古  
之知道者則是書實醫家之車馬舟航矣故亟懇憑付  
梓而書數言於篇首以告世之學醫者時咸豐十有一  
年辛酉夏月清河愚弟吳昆田謹敘

醫原目錄

安東石壽棠芾南學

弟壽霖沛亭同參

男宗慶子醇校

卷上

人身一小天地論

陰陽互根論

五行生克論

陰陽治法大要論

樞機論

衛氣行度一經星經天論

營氣行度一經水行地論

百病捉綱論

望病須察神氣論

聞聲須察陰陽論

問證求病論

切脈源流論

卷下

內傷大要論

濕氣論

燥氣論

論張仲景傷寒論

女科論

兒科論

用藥大要論

醫宜識字論

醫原卷上

安東石壽棠芾南學

弟壽霖沛亭同參

男宗慶子醇校

人身一小天地論

人稟陰陽五行之氣。以生於天地間。無處不與天地合。人之有病。猶天地陰陽之不得其宜。故欲知人。必先知天地。易曰。立天之道曰陰與陽。立地之道曰柔與剛。蓋剛柔之質。卽陰陽之氣所凝結。故程子曰。凡有氣莫非天。凡有形莫非地。又曰。地氣不上騰。則天氣不下降。天

氣降而至於地。地中生物皆天氣也。朱子曰：地居天中。

央不動，不是在下。

天之包地，如鳥卵之含黃。天大地小，表裏皆水。地名地球，天圓而地亦圓。

曰：地方者，謂地之德方，靜而承天者也。

使天有一息之停，則地須陷下。此

天包乎地之義也。以人言之，膈膜以上，肺與心與心包

絡象天，膈膜以下，肝膽脾胃小腸大腸腎三焦膀胱象

地。經云：天樞

臍穴

以上，天氣主之；天樞以下，地氣主之。是

以天樞居腹之中間者言之也。余以膈膜上下分天地

者，以氣之輕清者爲天氣，之重濁者爲地，言之也。然膈

膜以下，主之者地氣，而統之以運行者，實皆天氣。匪直

按素問靈樞十  
八卷皆謂之內  
經集隘不及分  
別又按素靈與  
神農本草經三  
書非神聖不能  
道其隻字然其  
中多後世官名

地名顯非神農  
岐所自著亦  
非後人所偽託  
乃當日師弟口  
耳相傳至戰國  
時始著之竹帛  
者

此也。凡皮膚肌肉經絡筋骨藏府之有形質而凝靜者  
皆象地。皆屬陰。而皮膚肌肉經絡筋骨藏府之有空竅  
以運行者。皆象天。皆屬陽。精兩神相搏合而成形。津勝  
發泄。汗出。涕淚也。唾口液也。氣上焦開發宣五穀味熏膚  
漆是謂津。涕也。唾也。氣澤毛若霧露之漑是謂氣  
血中焦受氣取汁變。液穀入氣滿淖澤注於骨骨屬屈  
化而赤是謂血。液伸洩澤補益腦髓皮膚潤澤是  
謂猶天地之有月與水也。陽氣猶天地之有日與火也。

故曰。人身一小天地。考天有九重。最上一重為宗動天。  
左旋。其內八重天。恒星天。土星天。木星天。火星天。右旋。  
逐日為宗動天裏之左旋。是宗動天者。乃一氣運行羣

動之宗也。

中學謂天道左旋，日月亦是左旋，此主七政。天隨宗動，天以行也。西學謂宗動，天是左旋。

七政，天是右旋，此主七政。本天之行以言之也。

人之身，肺爲華蓋，居於至高一

呼一吸，與天氣相通，體極輕虛，用主肅降。肺固人之天

也。不獨肺之本藏爲天，凡藏府閒經絡及內外空竅之

能通氣者，皆莫非天。雖各藏府之經絡空竅，有各藏府

之本氣以運行，如七政本天之運行一般，而要皆隨肺

氣以運行，皆爲肺氣所貫通。肺固人之宗動天也。故曰

肺主天氣。肺氣故名宗氣，又名大氣。地居天中，人在氣

中，天包乎地，氣包乎質，天地與人同一理也。夫在天則